

Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Provisione Et Obtentione Beneficiarvm

Leuren, Peter

Coloniæ Agrippinæ, 1704

Paragraphvs X. De reservatione resultante ex indulto precum
primariarum.

[urn:nbn:de:hbz:466:1-74485](#)

PARAGRAPHVS X.

De reservatione resultante ex
indulto precum prima-
riarum.

*Quæstio 602. Quid sit indultum precum
primariarum, & quid contineat?*

Respondeo primò: esse indultum seu facultatem, concessam Imperatori recens electo per privilegium à Sede Apostolica ad quacunque beneficia Eccles. per Rom. Imperium ubilibet constituta, in Metropolitanis, Cathedralibus, Collegiatis, & quibusvis aliis Ecclesiis; sive curata sint, sive non; sive regularia, sive secularia; et si Canonicatus, præbenda, dignitates, personatus, vel etiam officia majora & electiva fuerint, offerendi preces seu nominationes de idoneis personis, quibusvis Collatoribus & Collatricibus, quas personas nominatas ad hujusmodi beneficia, postquam ipsiis de iis canonice provisum fuerit, prædicti Collatores vel Collatrices recipere & admittere teneantur, sive ad eorundem collationem, provisionem, præsentationem, electionem, seu quamvis aliam dispositionem communiter vel divisim pertineant; ita ferè Pirk. ad tit. de prab. num. 367. Waguereck. ad c. is cui. tit. cod. n. 6. §. 2.

2. Respondeo secundò: hoc indultum sequentes continere limitationes. Primò: modò non sint dignitates in Metropolitanis & Cathedralibus maiores post pontificalem, aut principales in Collegiatis. Secundò: singula collationes & singula Ecclesiæ ex hoc ultra, quām in uno beneficio, non graventur. Tertiò: modò ipsi Collatores & Collatrices 4. beneficia conferre habeant. Quartò: quod tametsi Cæsar unam & eandem personam supradictis Collatoribus vel Collatricibus simul vel successivè nominare possit, quamprimum tamen persona sic nominata de beneficio aliquo provisa fuerit, ejus nominatio quod ad alios Collatores vel Collatrices facta ipso jure exspiret. Quintò: quod Canonici, præbenda ac dignitas, seu personatus, administratio vel officium in una Ecclesia pro uno duntaxat beneficio computari debent. &c. Hæc ferè dicti indulti, seu precum primariarum summa juxta tenorem concessionis à Paulo V. factæ Ferdinando II. Imperatore, quam vide apud Chok. in scholiis super preces primarias. Circa quæ

Quæstio 603. Preces primariae cur sic dicatae, & unde ortum habeant?

1. Respondeo ad primum: dicuntur ideo preces, quod Imperator ex dicto indulto pontificio non conferat propriè beneficia, sed solum vi illius ius habeat nominandi personas idoneas. Pirk. loc. cit. num. 368. ex Chok. in proem. precum. pag. 1. dicuntur verò primaria; quia præferuntur cuivis juri conferendi, præsentandi vel nominandi aliorum: vel quia sunt veluti prima Cæsar's petitio. Wagner. pag. 491. Pirk. loc. cit. nu. 367. vel quod semel, seu pro prima vice, non autem bis aut sepius uni & eidem Imperatori in una, eadémque concedantur Ecclesia. Chok. ad preces. p. 18.

2. Respondeo ad secundum: harum precum usum esse antiquum, ab annis saltē 400. hoc mox fuisse gratutio ex parte Pontificis, ut tale pri-

vilegium singulis Imperatoribus electis concederent: colligitur ex Speculatore, qui vivens Anno 1271. earum meminit ad tit. de prab. §. restat. nu. 2. Wagn. loc. cit. §. 1. Engels tit. cod. num. 70. Alciori tamen seculo receptum non fuisse, ait Chok. in cit. proem. p. 4. quād 1200. Testatur quoque Naucler. in sua Chronolog. apud eundem Chok. Rudolph. I. qui Anno 1273. electus est in Regem Rom. usum his precibus; ex quarum etiam formula, dum jamtum in ea ponatur: ex antiqua & approbata consuetudine: patet eas longè Rudolphi temporibus antiquiores esse. Chok. ibidem. ubi etiam apponit formulam harum precum, qualis ea hodiecum est. Unde dum Paul. V. in indulto harum precum concessio Ferdin. II. nullâ factâ mentione privilegi hujs ab antiquo Imperatoribus concedi soliti, loquitur, veluti specialem novâmque gratiam Ferdinandi faceret, id facit, ne videatur jure hac gratia deberi, aut consuetudo ex parte Imperatoris inducta esse jure speciali, quale est jus nominandi, seu præsentandi ad beneficia, cujus laici, quamvis Principes, per se sine auctoritate Apostolicâ incapas sint. Wagner. loc. cit. §. 1.

Quæstio 604. Quando, & qualiter hoc indultum precum concedatur Imperatori, & à quo tempore is eo uti possit?

1. Respondeo primò: non solle Pontifices has preces indulgere Cæsari ante præstatam sibi ab eo obedientiam. Chok. l. c. sect. I. p. 18. solet autem electus Rex Romanorum (non enim eligitur propriè in Imperatorem, sed ab Electoribus creatur Rex Romanorum, postea promovendus in Imperatorem per confirmationem, consecrationem, & coronationem Pontificis, nec ante horum utrumque receptum dici solet absolutè Imperator, sed cum addito Imperator electus, seu electus in Imperatorem. Wagn. loc. cit. Chok. loc. cit. pag. 14. (ubi etiam Catalogum attexit ex Azor. p. 2. l. 104. f. q. 5. eorum, qui à Carolo magno usque ad Ferdinand. II. coronati fuerunt à Pontifice, quorum ultimus fuit Carolus V.) quamprimum electionem suam per suos solennes Oratores Pontifici intimari, ostensibique electionis decreto per eosdem Oratores cum speciali mandato devotionem suam, reverentiam, seu obedientiam erga Pontificem, & S. R. Ecclesiæ exhibere, petere confirmationem, & approbationem, nec non gratias & favores consuetos curavit, juxta text. Clem. I. de jurejuringando Auctores iidem ex Castaldo in tr. de Imperat. q. 45. n. 1. & Germon. tr. de Sacrorum immunitationis, l. 3. in proem. n. 5.

2. Respondeo ad secundum: si spectemus iura præcisè, electus Imperator ex sola electione hacan te confirmationem & consecrationem, ut non habet ius & auctoritatem administrandi Imperium, concedendi privilegia, & gratias, aliisque, quæ potestatis sunt cæsarea, faciendi; ita prius neque ius haber offerendi dictas preces; cum electus in Imperatorem talis non sit, nisi confirmetur & coroneatur à Papa. Si tamen spectetur consuetudo, quæ prævalet, dicendum est contrarium. Pirk. de prab. n. 131. Wagn. cit. §. 1. ex Azor. p. 2. l. 10. t. 6. q. 4. citans insuper Castald. ubi ante q. 46. & Abb. in c. venerabilem. de elect. Cum hoc tamen discrimine inter hanc consuetudinem, privilegia aliisque gratias in mere temporalibus concedendi, & consuetudinem offerendi dictas preces, ut (dum ius illud nomi-

nominandi spirituale est, aut spirituali annexum) hanc vim non habeat ex parte Imperatoris, sed ex sola benevolentia Pontificum, qui, cum possent talia privilegia revocare, vel negare Principibus, id tamen non faciant, quique hanc ipsam consuetudinem, cum sciant as tolerent, tacite approbare censentur. Pith. Wagn. II. cit. dumque ab immemoriali tempore Pontifices semper consueverunt legitimè electis Romanis Regibus in Imperatorem promovendis hoc induitum precum absque tergiversatione concedere, habent electi ejusmodi induitum, certamque presumptionem de mente & voluntate Papæ, cuius gratia & auctoritati, non sive, insistentes primariis precibus utuntur ante confirmationem, & hujus induiti emanationem, & electus nomine & auctoritate apostolica potestatem nominandi vigore induiti concedi solitam, statim erga personas bene meritis exercet; ita ut nihil jam causa sit, cur Pontifex ratum non & habeat, & ratificationem literis, licet posterius datis ad ipsam electionis diem retrotrahiri, mandato sive induito aequiparari velit. Pith. Wagn. loc. cit. additumque Wagn. sic visum esse, quod Ferdinand. IV. Augustæ in Regem Rom, electus absq; morta preces primaria cumulatim, aut saltem earum expectativas, nemine improbante, contulit, antequam Româ confirmationem petere, & accipere potuerit. Prædecessorum utique suorum exemplo, sine quo id ausus non fuisset.

Quesitio 605. An, cum dictæ preces pertineant ad gratias expectativas, quippe per eas Cesar ius habet nominandi ad beneficia proximè vacatura, ea adversentur SS. Canonibus, c. 2. constitutus. de concess. præb. & c. 2. tit. eod. in 6. in quibus expectativa, utpote per quas votum captanda mortis inducitur, reprobanter & prohibentur, vel etiam Trident. quod scilicet 2. 4. c. 19. tollit quasunque gratias expectativas ad beneficia vacatura?

R Espondeo negativè, cum hujusmodi concessio & gratia Cæsar sit generalis & incerta, ut advertit Gaius l. 2. obser. 155. n. 7. adeoque non ira inducit periculum captanda mortis. Pith. loc. cit. n. 385. Chok. in proem. precum. pag. 2. & 3. Sed neque illo Tridentini decreto comprehendi preces primarias Cæsar censuit ex sententia S. Congreg. Concilii ipse Gregor. XIII. in literis suis de Anno 1575. 25. Jan. de quo vide Gallemart. ad cit. c. Trid. cum in illo decreto non nominetur Imperator, qui cum speciali notâ sit dignus, nominatus fuisset, si Concilium illum comprehendere voluisse, sicut nominavit ibidem Cardinales, qui & ipsi sunt digni speciali notâ seu expressione. Pith. loc. cit.

Quesitio 606. Ad quas terras seu provincias se extendant haec preces?

R Espondeo: solum per Imperium Rom. prout nunc est, non autem prout fuit, cum plures provincias & regna coinererit; quia per illud solum secundum præsentem statutum Cæsar habet superioritatem. Pith. loc. cit. n. 368. Chok. in proem. pag. 1. Wagn. loc. cit. §. 2. pag. 488. Hinc eas locum non habere in Italia, ait Chok. nec in Ducatu Mediolanensi, juxta Rotam in una Novarien. Canonizatus. 1555. 25. Octobr. habere tamen locum in civi-

P. Leuren, Fori Benef. Tom. II,

tate Cameracensi; & Metensi, aliisque, quæ fuerunt de Imperio, nunc autem sunt translata in alterius dominium. Verum quidquid sit de Camera- co & Metis, quarum urbium modo alias est status, quam quando scribebat Chok. & Wagner. putat idem Wagn. posse Imperatorem, si suo jure uti velit, aut permitatur, privilegium illud exercere etiam in Ducatu Mediolanensi, & similibus, quæ quondam fuere Imperii, & hodie adhuc sunt feuda Cæsaris.

Quesitio 607. Ad qua beneficia se extendant haec preces?

R Espondeo: extendunt se ad omnia nominata in quæ. l. hujus §. Extendunt se itaque primò ad beneficia existentia in Imperio, etiam dum eorum Collatores vel Collatrices sedem non habent in Germaniâ, nec subsunt Imperio; neque enim Papa tam respexit domicilium Collatoris, quam locum, ubi beneficia constituta sunt, dum indistinctè gravat Ordinarios Collatores habentes Collationem ad minimum 4. beneficiorum per Rioni, Imperium. Unde jam econtra non extendunt se haec preces ad beneficia existentia in Gallia, etiam si eorum Collator Sedem habeat in Germaniâ, sitque subiectus Imperio. Chok. loc. cit. sect. 2. Wagn. pag. 488. Pith. loc. cit. num. 368. Unde etiam, si beneficia principia sit extra Imperium, aliqua autem beneficia his annexa existant in Imperio, neque haec annexa cadent sub precibus juxta regulam: accessorum sequitur principialis naturam. Auctores iidem.

2. Secundo, ad beneficia in Cathedralibus, etiam Metropolitanis; exprimuntur autem haec Ecclesiæ, quia regulariter in dispositione generali non comprehendendur dictarum Ecclesiæ beneficia, sed earum facienda est specialis mentio, juxta C. quævis. de præb. in. 6. Pith. loc. cit. n. 369. Chok. pag. 38. Wagn. pag. 489. Exprimuntur etiam specialiter Ecclesia Metropolitana, quia in materia odiosa appellatione Cathedralis non venit Metropolitana, licet sit Cathedralis, utpote qualis ea dicitur, in qua Cathedra & Sedes Episcopalis sita est. Auctores iidem.

3. Tertio, ad dignitates, personatus, administrationes, officia; dignitates ideo exprimuntur; qui in materia odiosa, adeoque restringenda (cujusmodi est facultas nominandi, conferendi, concessi ei, cui de jure non competit, quia derogat potestatis Ordinariorum) nomine beneficii non veniunt dignitates; sic enim, dum conceditur mandatum ad beneficia curata, & quæcumque alia, non includitur dignitas curata, juxta clem. ne in agro &c. de statu Monach. Auctores iidem. Personatus autem (qui est præminentia aliqua in Ecclesia sine administratione) non est propriæ, nec computatur inter dignitates, ut Cora. de benef. p. 4. c. 3. num. 7. Paris. de ref. c. 1. num. 91. apud Chok. loc. cit. pag. 39. nisi forte ex fundatione, statuto, vel consuetudine talis habeatur, ut ex Wamef. Chok. ibid. unde statutum vel etiam litera ad beneficia, loquentes de personatu, non complectuntur dignitatem. Auctores iidem. Per administrationes intelliguntur hic Ecclesiastica, quæ auctoritate Episcopi erectæ sunt in titulos, adeoque verè sunt beneficia; juxta Gomes. ad regulam de insinuis q. 23. Rebuff. in pr. tit. quoniam complex benef. scul. nu. 15. apud Chok. pag. 40. Officia Ecclesiastica, ut sunt Scholasteria, Cantoria &c.

vix differunt ab administrationibus. Pirk. Chok. Wagn. loc. cit.

4. Quartò, extenduntur preces ad beneficia etiam propriè electiva, quæ nimurum per electionem Capituli vel Conventus, quæ confirmationem Superioris requirit; providentur (alia enim, quæ conferuntur per viam quidem electionis, non tamen agentis confirmatione Superioris, v. g. dum Capitulum per suffragia confert alicui Canoniciatum, sunt potius collativa vel mixta, hoc est, participantia ex collatione & electione) debenturque, ut preces ad ea quoque extenderentur, necessariò exprimi; cum alias non veniant electiva sub clausula: ad collationem, presentationem, aut alias quamcunque dispositionem communiter vel divisi spectantia. juxta Clem. I. de prab. Auctores iidem. Addit tamen Chok. preces in civitate & Diocesi Leodiensi non afficeret dignitates & beneficia electiva ob constitutiones variorum Pontificum, quas citat pag. 41.

5. Quinto, ad beneficia quæ per presentationem conferuntur seu si jurispr. intellige, Ecclesiasticum Pirk. loc. cit. Wagn. pag. 490. licet autem nomen collationis quandoque complectatur presentationem, electionem, institutionem, id tamen locum non habet, dum profertur in ambitiosis, quia sunt plerumque rescripta Principum, præcipue beneficiaria, adeoque sunt restringenda. Chok. pag. 42. Wagn. loc. cit.

6. Sexto, ad beneficia spectantia ad provisionem plurium tam communiter, quam divisi, hoc est, tam ea, quæ conferre habet Conventus, seu Capitulum totum seu in communi, quam quæ conferre habent singuli vel aliqui Capitularium, pro ut sunt membra e jussu modi communitatis. Auctores iidem. Unde sit, ut soleant tunc preces dirigi decano & Capitulo, singulisque Canonicis & personis talis Ecclesia dignitatibus, dum istæ dignitatis & personæ spectant ad Capitulum. Chok. pag. 44. Sic preces ha directæ Capitulo extendunt se ad beneficia, quorum collatio spectat, v. g. ad duos Seniores, vel ad duos seniores ratione Canoniciatus. Pirk. Wagn. Chok. ll. cit. ait etiam Chok. id verum, etiam Senior ille non conferat vice Capituli, sed ut antiquior Canonicus. Sic etiam directæ Capitulo extendunt se ad collationem Turnarii. Chok. citans Wames. conf. 220. num. 3. ubi dicit, quod expectativa ad collationem Capituli concessa extendat se ad Turnarii concessione. Econtra preces directæ Capitulo, etiam cum clausula: conjunctam & divisi: non extendunt se ad beneficia, quæ Canonicus aliquis conferre habet, non vice Capituli, nec ratione Canoniciatus, sed jure quodam speciali, puta, ratione dignitatis alicujus non spectantis ad tale Capitulum, vel ratione familia aut alia. Auctores iidem. Porro dum collatio spectat ad Episcopum sive Prælatum & Capitulum, presque ha insinuantur soli Prælato, afficiunt etiam Capitulum, etiam si huic non sit facta confirmatio; quod enim agitur cum Capite, censetur pertinere ad corpus, & agi cum illo.

7. Septimo, ad beneficia regularia, prout exprimitur in indulto precum; quod intelligentum de iis beneficiis regularibus, quæ non ex natura rei, sed per accidens sunt talia, & requirunt professionem religiosam, quia nimurum ex fundatione aut alia assignatione, vel si de origine fundationis nou constat, ex longa possessione & prescriptione 40. annorum debita, vel sola sunt conferri Religiosis,

qualia sunt parochia, Capellania, monasteriis incorporata. Pirk. loc. cit. Wagn. pag. 489. Chok. pag. 38. qui tamen tradunt Casarem debere nominare ad eas personas idoneas, hoc est, religiosas, cum videatur nou posse alterare qualitates a fundatore requisitas; de quo infra. Observant quoque iidem, quod rarius ad talia beneficia Casar concedat preces, & ut Wagn. hoc edum nunquam, idque, ne turbet disciplinam Regularium, & rotam dispositionem Superioribus Ordinum religiosorum relinquat. Porro debebunt in hoc indulto exprimi regularia; cum non veniant sub generali dispositione & reservatione beneficiorum istiusmodi regularia. Pirk. & Chok. ll. cit.

8. Octavo, ad curata, modò sunt perpetua, ut haberet ipsum indultum; quoniam autem dicantur curata, dictum est alibi. Vide etiam de eo Chok. pag. 37. Circa quod tamen illud observandum, quod is, qui obtinuit preces ad Curatum, non alter in eo debeat institui, quam prævio examine, & Ordinarii approbatione, juxta Trid. sess. 7. c. 13, & sess. 18. c. 18. Chok. loc. cit.

9. Nonò, extendunt se ha preces ad omnia beneficia Papa reservata, exceptis iis, quæ ei reservata sunt per Extrav. ad Regimen. Pirk. num. 382. Wagn. pag. 494. hinc.

10. Decimò, extendunt se ad beneficia vacanta ob crimen ipso jure, v. g. heresis, Simonia &c. et si enim ea reservata sunt Papæ, non reservantur tam in Extrav. ad Regimen. Chok. pag. 29. Ubi istud notat, quod istiusmodi beneficia conferri possint Precistis non excepta sententiæ, nec vocato posseffore; non possit tamen collatio de facto exequi, nec Precista in realem possessionem induci, nisi prius vocato, & auditio posseffore, & causâ cognitâ, citat pro hoc c. licet episcopus. de prab. in 6. Oldr. conf. 226. Gemin. ad c. 1. de concess. prab. n. 9. Bald. conf. 15. l. 4. beneficia vero, quæ non vacant ipso jure, sed per sententiæ, ut homicida, perjuri &c. non debeat Precistis, nisi latæ privationis sententiæ. Vide etiam, quæ habet Chok. pag. 66. ubi, quod extendant se preces tam ad vacantia de jure & de facto (iis exceptis, in quibus intrat reservatio Extrav. ad Regimen.) quam ad vacantia de jure, & sic affecta sunt Precistis vacantia per contractum matrimonii, per ingressum religionis, per promotionem &c.

11. Undecimò, extendunt se ad beneficia tempore data precum suppressa, v. g. si ex indulto Papæ. Canoniciatus & præbenda primò vacature intra sexennium sunt affecta seu applicata fabrica, preces capiunt primò vacaturam; habebit tamen Precista expectare, donec tempus in dulti finitum sit, ut aspergatur præbendam; licet enim suppressa sit præbenda, non tamen Canoniciatus. Chok. pag. 36.

12. Duodecimò, ad beneficia vacanta in mensibus alternis Ordinariorū; dicunt enim expressè in ipso indulto precum Papa, se eas Casari concedere in quibusvis, etiam Ordinariorū quomodo libet concessis aut concedendis imponsterum mensibus; adeoque privilegia nulla (nec ipsa concordata Germania, erit in iis similiter dicat Papa, si per quamcumque aliam reservationem vel gratiam expectativam, aut quamvis aliam dispositionem sub quacunque verborum formâ impeditur nul latenus, quo minus illi, ad quos collatio, presentatione, aut quavis alia dispositio pertinet, de iis beneficiis in alternis mensibus Februario, Aprili &c. libere

liberè disponant, ut pote longè posteriora hoc indulto precum) eidem obstant, nisi expresse & nominatim in iis dictis precibus derogetur; cùm per generale rescriptum seu dispositionem nou tollatur speciale privilegium alicui prius concessum, nisi specialis illius mentio fiat, præterim ubi privilegium est remuneratorium, quale est illud precum concessum Imperatoribus ob merita illorum in Ecclesiast. Quòd etiam spectat illud, quod *Paris. consil. 61. l. 2. & cons. 50. n. 30. vol. 4. apud Chok. pag. 61.* tradit in specie precum imperialium, etiam Reges aut Reginæ in generali pontificis constitutione nominentur, non venire Imperatorem, nisi specificè exprimatur. Sed neque credibile est, aut præsumendum, Fridericum III. permitturum fuisse, ut tam antiquo & insigni privilegio Imperatoribus recenter electis concessio per Concordatum cum Sede Apostolica ab ipso inita prædicaretur; cùm juris proprii renuntiatio non præsumatur, nisi specialiter exprimatur. ut *Tiraq. in l. si unquam in pref. num. 128. c. de revocan. donat. Mascal. de prob. conclus. 1263. &c. apud Chok.* Atque ita hoc ipsum praxis confirmat, dum Imperatores non solum in mensibus papalibus, sed & in ordinariis passim has preces concedunt. Ac denique, ut refert Chok. pag. 63. Sic decisum à Rotâ 4. Mai anno 1618. nimurum, has preces comprehendere eriam menses ordinariorum, non obstantibus Concordatis Germania. ita Pirk. num. 376. Wagn. pag. 492. Chok. à pag. 59. Engels de prob. nu. 20. dicens expresse in ipso indulto sub finem derogatum concordatis. Quæ verò de Diecensi Leodiensi assert Chok. pag. 65. quod ibi preces Cæsareæ locum non habeant in mensibus Ordinariorum, propter pontificum aliquot privilegia Concordatis anteriora facti est, non juris per hoc indulto Cæsareum à Pontificibus constituti cum amplissima clausula, irritante omnem quamcumque aliam constitucionem quorsumcumque tenorum; adeoque etiam prætentas à Leodiensibus Pontificum concessiones, quorum exemplum toti imperio præjudicare non potest. Wagn. pag. 493.

13. Decimo tertio, extendunt ad beneficia devoluta ad immediatum Superiorum, v. g. à pralato seu Abbe non Exempto ad Episcopum; quia in indulto precum excipiuntur solum devoluta ad Papam; exceptio enim firmat regulam in casibus non exceptis. Pirk. num. 383. Chok. pag. 77.

14. Decimo quartò, extendunt se ad beneficia resignata simpliciter in manibus Ordinarii. Chok. pag. 368.

15. Decimo quinto, extendunt se ad vicarias perpetuas. Chok. pag. 36.

16. Decimo sexto, extendunt se ad beneficia ex diversis personis vacantia, nempe dum plures simul & eodem tempore, vel intra breve tempus moriuntur, vel quod plures persona de beneficiis contendunt, & simul, si aliquid habent, privantur. Pirk. n. 382. Wagn. loc. cit.

Questio 608. Ad qua beneficia se non extendant ha preces?

1. Respondeo, non extendunt se primò ad dignitates post pontificalem majores in Cathedralibus, & principales in Collegiatis (addit Engels ad tit. de prob. nu. 70. pralaturas primas in monasteriis) quæ limitatio ipsis precibus est inserta. Quæ autem sint dignitates majores & principales, præcipue ex praxi & consuetudine dignoscendum,

& de hoc actum supra in reg. Cancell. In Germania Præpositura & Decanatus videntur esse majores in Cathedralibus; quin & principales in Collegiatis. Pirk. loc. cit. num. 370. licet autem ibidem Præpositura censeatur major dignitas Decanatu; quis tamen Papa in indulto precum uititur numero plurali, excipiendo post pontificalem majores, videatur non unam tantum dignitatem majorem vel principalem, sed plures, si sunt, à precibus excipere. Et sic Cæsar aliquem ad Præposituram vel Decanatum in Cathedrali vel Collegiatâ vi precum (de cetero jure alio, vel potius indulgentiâ & privilegio Papa distincto ab illo indulto precum, ad similes dignitates, quin & ad Episcopatus plures in suisditionibus Regem Rom. seu Cæsarem denominare posse dubium non est; Chok. pag. 4. Engels loc. cit. n. 70.) denominare non potest. Pirk. loc. cit. Wagn. pag. 490. qui tamen monent, in hoc ipso attendi debere usum & praxis, quæ Cæsares, nemine interpellante, utuntur. Addit etiam Chok. pag. 41. citans pro hoc Wameſ. cons. 279. num. 5. vol. 1. quod, si quis vigore precum acceptaret talen dignitatem majorem, hac ipso jure non caderet, sed foret resolvenda; ed quod dictio illa dummodo quæ utitur indulto precum, modum inducit, non conditionem; de quo videndi Gomes. de expectativ. nu. 62. Felin. in C. in nostra. de rescrip. Bald. in c. dudum. de elect. coroll. 6. num. 27. Hinc jam consequens est, ut multò magis à precibus his excipiatur ipsæ dignitates pontificales seu Episcopatus. Engels loc. cit. Porro tametsi in facultate, quam alicui daret Papa conferendi etiam reservata qualiacunque, aut etiam in expectativis aliisque gratiis ad dignitates non comprehenduntur ha dignitates majores, ut Gomes. de expectativ. n. 45. Gonz. ad reg. 8. gl. 9. §. 1. num. 20. Germon. de indul. Cardinal. §. ac irritum. num. 50. apud Chok. pag. 41. adeoque videretur non necessaria harum dignitatum hoc loco exceptio; ambiguitatis tamen majorisque claritatis gratiâ ex expressâ fuerunt. Chok. ibid.

2. Neque ad beneficia monocularia; estque haec limitatio quoque inserta precibus, dum Pontifex noluit gravari nisi Collatores illos, qui saltem 4. beneficia conferendi jus habent, & nequam illos, qui non nisi unius beneficii, vel duorum, aut trium tantum habent collationem, ne forte hi tota vita sua nunquam uti possent jure suo conferendi liberè, uti facile contingere posset, dum intra breve tempus unum alterumve Cæsarem mori, & novum eligi coantigeret, quorum quilibet nominare potest, & dirigere preces suas ad tales Collatores, quin etiam ejusmodi beneficia juxta gl. communiter receptam in Clem. 1. de prob. non cadunt sub generalibus gratiis & expectativis. Pirk. Wagn. loc. cit. Chok. pag. 46. Sic collator adhuc gravari non poterit, qui habet unicum conferendum beneficium in Imperio, et si alia plura conferenda habeat extra imperium; cùm indulsum precum expresse requirat, ut habeat 4. saltem beneficia in Imperio. Chok. pag. 47. addens contrarium dicendum de illo collatore, qui habet collationem unius beneficii in Imperio, & præterea præsentationem aliorum plurim in eodem Imperio; quia jam beneficium illud, cuius solius collationem habet, non dicetur monoculare. Idem dicendum, nimurum adhuc posse gravari per preces Collatorem, qui in uno beneficio habet privative collationem, in aliis verò pluribus simultanea cum aliis,

Cum meum adhuc dicatur, quod mihi cum aliis commune est; quamvis addat, in oppositum facere, quod in odio sis meum propriè dici non possit, quod mihi cum aliis commune est: privilegia autem & indulta sive strictissime intelligenda, ut quantum fieri potest, minus præjudicent Ordinariorum protestati. Ac denique si preces directæ sive Collatori habenti conferre 4. beneficia, & interea unum illorum favoritorum fuerit unitum alteri ex illis, non nocitrum Precista, sed quod tempus data in hoc insipi debeat, tradit *ibid.* Chok.

3. Neque ad beneficia jurisp. Laicalis (intellige dum iuspat. competit illis ex fundatione vel dotazione Ecclesie; secus si ex præscriptione, consuetudine, vel privilegio. Pirk. num. 368. Chok. pag. 44.) vel etiam mixti (salem ubi Laici constituant aqualem vel maiorem in eo partern; in favorabilibus enim, ut dictum alias, Imperi attendenda est potius qualitas Laicalis, ne Laicus propter Clericum perdat suum privilegium. Auctores idem, Wagn. pag. 490.) liquidem generalis dispositiō & indulta pontificia, etiam præstantissimas contineant clausulas derogatorias, & derogationes derogatoriarum derogatorias, non extendunt se ad istiusmodi beneficia, & nunquam derogare velle censetur Pontifex dicto juri quæstio Laicis ex fundatione, nisi id specialiter & clare exprimat, uti constat ex dictis alias. Chok. pag. 42. Pirk. & Wagn. *l. cit.*

4. Neque ad beneficia per se, & ex natura rei regularia, seu requirementa professionem regularem & religiosam; quia sunt Præpositura seu Abbatia regularis, Prioratus conventionalis habens administrationem, Canonici regularis, Monachatus: & sic consuetudine patet, Caesares non nominare Præpositos, Decanos, Proores in monasteriis, multo minus Canonicos regulares vel Monachos.

5. Neque ad beneficia, quæ ordinantur ad nudum ministerium canendi vel simile, etiam de cetero electiva, ut vicarius chorii. Wagn. pag. 489. Pirk. n. 368. Chok. pag. 34.

6. Neque ad beneficia litigiosa; non enim Precista tenetur ea acceptare, & si sciens beneficium litigiosum acceptret, debet litem prosequi, ut Chok. loc. cit. & generatim gratias expectativas non cadere super litigiosa beneficia, decisum à Rota decisi. 28. de concess. præb. in antiquis, testantur Chok. Pirk. Wagn. *l. cit.* Quod si tamen lis sit notoriè frivola, preces adhuc locum habent; cum lis iniusta & calumniandi causâ intentata non inducat vitium litigiosi. Auctores idem. Uti etiam, dum lis est solum super possessione beneficii, preces intrant; quia talis lis beneficiorum non denominat litigiosum. Auctores idem citantes Wamel. conf. 101. num. 9. & Mandos. ad regul. de surrogandis. q. 13. num. 4.

7. Neque ad beneficia ad Sedem Apostolicam devoluta; sic enim expressè habet ipsum indulustum precum. Pirk. num. 383. Chok. pag. 77.

8. Neque ad beneficia vacantia per resignationem in favorem. Pirk. num. 382. Chok. pag. 74. privilegium enim nominandi ad beneficia vel conferendi non habent locum in iis, quæ vacant per resignationem in favorem; quia resignans in favorem non intendit jus a se abdicare, nisi beneficium acquiratur resignatio a se designato. Paris. de resign. l. 10. q. 7. num. 22. apud eosdem. Neque etiam ad vacantia per resignationem simplicem factam in

manibus Papæ. Chok. pag. 36. Pirk. n. 368. Wagn. pag. 494. Secus est de resignatis liberè, & simili, ceteri in manibus Ordinarii.

9. Neque ad vacantia permutationis gratia. Auctores idem. *l. cit.* limitat tamen hoc ipsum Chok. hac ratione; nisi permutation fieret in fraudem, v. g. si senex in infirmitate permuteret cum nepote pingue beneficium cum tenui; cum talem permutationem declararit nullam Piùs IV. in constitut. publicata Anno 1564. 27. Januarii, citat se ipsum in *rr. de permutatione*. p. 36. l. per tot.

10. Neque ad beneficia erecta prius post concessas alicui preces; quod probabile censer Pirk. cit. num. 368. Chok. pag. 35. tanquam probabilius præ opposito tener; cum quia, cum tempore concessarum precum non sit adhuc beneficium, Caesar non erat mentis ad illud concedere preces; & non entis nullæ sunt qualitates; qualitasque ad juncta verbo debeat intelligi secundum tempus verbi: cum quia fundatores arcerentur à fundationibus favoritorum, si simul ac eresta essent, jam deberentur. Ac denique quia concessio precum tanquam odiosa est restraininga.

11. Neque ad beneficia manualia, aut etiam Vicariis temporales; secus est in perpetuis. Chok. pag. 36. & 34. Pirk. loc. cit. neque enim manualia veniunt sub exspectativis. Staph. de tit. gratia. §. quin. 2. forma &c. num. 6. apud Chok.

12. Neque ad beneficia mensa, hoc est, incorporata perpetuo menu Episcopi, Capituli, aut Abbatis. Auctores idem.

13. Neque ad exempta, utpote quæ non cadunt sub exspectativis. Pirk. loc. cit. Chok. pag. 36. citans Gomes. ad reg. de infirmis. q. 5.

14. Neque ad commendata. Pirk. & Chok. *l. cit.* ex Gaspare de Perus. de referv. & Gomes. ad reg. de trienn. q. 5.

15. Neque ad pensiones Ecclesiasticas, nisi dentur in titulum. Auctores idem ex Gomes. de amal. q. 20.

16. Neque ad solita dari scholaribus ratione studii in aliqua Universitate, nisi dentur in titulum. Auctores idem.

17. Neque ad Hospitalia, etiam religiosa, nisi dentur in titulum & in perpetuum; alias enim non sunt beneficia. Idem dicendum de Leprosariis & Eleemosynariis. idem Auctores.

18. Denique multò minus ad officia, quæ cedunt etiam in laicos. idem. de his quoque omnibus idem ait Wagn. pag. 491.

Quæstio 609. An. si Precista nominatur si ad beneficium simplex, possit illud acceptare, si fuerit interea erectum in curatum?

R Esonder negativè Old. cons. 53. & Anch. in Cem. unione. n. 37. de concess. præb. apud Chok. pag. 27. sed quod omnis dispositio intelligenda est rebus sic stantibus. Responderet tamen ipso Chok. contrarium; sed quod indulsum precum comprehendat erit curatum; per mutationem autem non extinguatur privilegium, quod est compatibile cum statu immunitato.

**

Q

Questio 610. Ad quas personas se extendunt preces, seu qui intelligantur in hoc indulto precum per personas idoneas ad hoc, ut iis preces concedi possint?

1. **R**espondeo primò: habentem jam ante beneficium in aliqua Ecclesia, censeri adhuc personam idoneam, ut, ei in eadem Ecclesia ad aliud beneficium concedantur preces casareas, modò tamen hæc beneficia sint talia, ut sine dispensatione Apostolica simul retineri possint. Chok. pag. 74. & ex eo Pirk. n. 382. Wagn. pag. 494. qualia sunt dissimilia seu diversi generis, ut dignitas & Canoniciatus, Canoniciatus & Capellania, beneficium curatum & simplex; hæc enim sunt de jure compatibilia, eti residentiam requirant; cum enim in eadem Ecclesia constant, potest quis in utroque simul residere, nisi ratione oneris vel ministerii, quod utrique eodem tempore incumbet, sibi repugnat. Pirk. Wagn. ll. cit. Chok. loc. cit. citans Abb. cons. 96. dub. 2. p. 2. Navar. cons. 21. de pref. Less. de just. l. 2. c. 34. n. 44. Garc. p. II. c. 5. num. 235. quamvis is n. 243. dicat, fac. Congr. Concilii contrarium resolvile, quam declarationem Pirk. ait vel non esse authenticam, vel non esse receptam.

2. Secundò, adhuc esse personam idoneam, eti jam habeat beneficia duo, tria aut plura, qualiaque, cuiuscunque valoris in aliis Ecclesiis, modò ratione ministerii vel residentiae non sint incompatibilia. Chok. pag. 78. Pirk. Wagn. ll. cit. juxta tenorem ipsius indulti precum. Idem est, dum quis jam ante haberet plures gratias expectativas à Se de Apostolica, aut mandata de providingo; quod idem habetur in ipso indulto. Auctores iidem. Unde jam etiam Precista non tenetur exprimere, neque beneficia, quæ alibi habet, neque expectativas illas. Auctores iidem. Unde jam patet, ampliore favore dignari hos Precistas, quæ nominatos ab Universitatibus, utpote qui exprimere debent beneficia, quæ obtinent, etiam si unicum sit & minimum, ut constet, num nominandi habeant duas præbendas, aut dignitatem cum præbenda, aut beneficia alia usque ad certam summam. Chok. loc. cit. Item plus favoris per hoc indulatum habere Executores harum precum, quæ per cap. 15. cui. de prob. in 6. competit aliis, quibus auctoritate Apostolicâ concessum est, ut alicubi in sua vel alia Ecclesia provideant; nam licet iis in concessione humi modi concessum sit, quod persona jam beneficiata providere possint, restringitur id tamen ad habentes duo solum beneficia sine cura. Wagner. loc. cit.

3. Tertiò: persona idonea adhuc sunt, eti careant qualitatibus secundum statuta & consuetudines Ecclesiarum requisitis, ut si Precista careat nobilitate, certa etate, actuali sacerdotio, similiue requisito aliquo ex statuto, vel consuetudine aliquius Ecclesia. Chok. pag. 75. Pirk. & Wagn. ll. cit. testaturque hic, Ecclesiam nobilem vi hujus induiti, denique coactam esse recipere à Ferdinando II. nominatum parentem nobilitate ex ejusdem Ecclesia statuto & consuetudine requisita. Sed neque opus est, ad istiusmodi inhabilitates per specialia statuta & consuetudines Ecclesiarum introductas dispensatione; cum illæ per hoc indulsum, & clausulam in eo contentam sublatæ videantur quod ad preces casareas. Auctores iidem. Ubi tamen illud notandum, quod ait Chok. pag. 26. quod dum præbenda v. g. requirit gradum, seu est theologalis,

vel certam aliam qualitatem, non extingui per hoc, quod vi precum collata sit non habenti illam qualitatem, sed suspendi duntaxat ad tempus, ita, ut prima postea vacans præbenda extra induitum precum debeat conferri Theologo. Idem est de præbenda sacerdotali. Similiter idonea persona adhuc erunt, eti careant qualitatibus a jure communis requisitis, v. g. etate, natalibus legitimis (quæ duo eti exprimantur in indulto, eadem ramen est ratio de similibus inhabilitatis. Wagn. pag. 494.) ita, ut v. g. is, qui non est in etate, ut intra annum promoveri possit sacerdos, acceptare tamen possit vi precum beneficium, & Executores illud ei conferre. Restringitur tamen hoc ipsum à Papa in indulto, nimis ut quod ad has inhabilitates à jure communis inductas sit legitime cum tis dispensatum, nempe à Papa (quia licet Cæsar possit restituere quod ad natalia, non tamen id potest in ordine, ut quis sit habilis ad beneficia Ecclesiastica) non enim concessa potestate conferendi beneficia, hoc ipso censeri debet concessa potestas dispensandi, aut conferendi ea inhabilitibus sine dispensatione; cum ea potestas speciale requirat concessionem. Auctores iidem. Ex quibus illud sequi videtur, posse alicui non habenti istiusmodi qualitates à jure requisitis in sensu composito istius inhabilitatis, adeoque citra ullam dispensationem concedi, & ab eo acceptari has preces, modò sit inhabilitas dispensabilis, tametsi in dicto sensu composito, seu citra dispensationem præviam ab Executoreibus provideri nequeat de beneficio, in ordine, ad quod preces sibi concessas habet. Porro hanc questionem movet Chok. pag. 75. num. si preces concessa alicui fuerint ante primam tonsuram, valeant, & nihil ad illam responderet, sed remittit ad Imol. & alios in c. 2. de inst. Felin. in cap. cum aded. de rescript. num. 2. Paris. cons. 125. volum. 4. &c. proinde, cum ista concessio precum habeat rationem nominationis, videtur in hoc puncto de ea dicendum, quod alias dictum de nominatione, dum queritur, num sufficiat, etatem aliamve qualitatem requisitam adesse tempore collationis seu institutionis, eti non adsit tempore presentationis; nisi forte in hoc sit differentia, quod nominatio alias seu presentatione non fiat nisi ad beneficia vacancia, preces autem concedantur ad vacaturam, & hinc sufficere videatur Clericatus habitus tempore vacationis beneficij, ad quod Precista offert Executoreibus preces sibi à Cæsare concessas.

4. Quartò: Coecos, surdos, mutos, aut aliquam partem corporis vitiatis capaces esse precum Cæsarearum in ordine ad acceptandum beneficium, cui annexus aliquis Ordo actu aut in potentia proxima veluti intra annum suscipiens, negat Chok. pag. 45. eò quod, qui repellitur ab Ordine suscipiendo, repellatur etiam à beneficio obtinendo: concedit tamen eos capaces esse in ordine ad obtainenda beneficia, quæ Ordinem annexum nou habent, accidente tamen Pontificis dispensatione; cum nemo alius super irregularitate, quæ est ex vitio corporis, dispensare possit; adeoque Precista corpore vitiatis beneficium vi precum circa dispensationem papalem acceptare nequeunt, ita ferè ille. Verum hæc ipsa colligenda esse credo secundum corollarium istud paulò ante adjectum.

Quæstio 611. An igitur etiam Cæsar concedendo preces, immutare possit naturam beneficij?

R. Espondet ad hanc quæstionem sub distinctione Chok. p. 26. Cæsarem, dum confert, non ut Patronus, id non posse; cum non possit jus acquisitum Ecclesiæ tollere; esset enim species alienationis: item quod limitata potestas translatæ sit cum suo onere, hinc tenerat providere secundum qualificationem, quæ tenebatur Collator ipse, ut & is, ad quem fit devolutio; adeoque providere hominibus illius qualitatis secundum naturam institutionis beneficij. Ac denique quod ubincunque dispositio testatoris est certa respectu certa persona & loci, non potest alterari. Dum vero confert, ut Patronus, posse eum qualitates & conditiones tempore fundationis appositas in totum tollere; cum sola auctoritas, ut Host. in c. cum accessissent de constitut. & consensu fundatoris vel ejus hexadum sufficiat ad hoc, ut tollatur natura & conditio, aut institutio in ipsa fundatione apposita. Et ut Imol. cum Abb. in cap. fin. de Clericis non residentibus, quod si in institutione beneficij collatio facienda est presbytero, potest cum licentia Patroni super hoc dispensari, ita Chok. verum hoc secundum membrum distinctionis omnino falsum est; cum nequidem fundator ipse, multoque minus successores Patroni postmodum mutare possint leges fundationis, etiam cum consensu Ordinarii, ut supra fusè probatum, ubi actu quid possit Patronus.

Quæstio 612. Num Cæsar concedendo preces, de novo apponere possit conditiones alteras?

R. Espondeo negativè; quia inferiores, etiam Collatores, debent conferre purè, nisi forte adjiciatur conditio, quæ de jure inest. Chok. pag. 27.

Quæstio 613. Cum Cæsar ipse vi induiti precum non habeat potestatem conferendi, sed solum nominandi, ut dictum supra ex Wagn. pag. 490. Pirk. loc. cit. n. 368. & Chok. pag. 1. à quibus Precista sint instituendi in beneficio, sicut à quo ipsis conferendum beneficium in Ordine ad quod preces impetrantur, an is sit ordinarius Collator, an Executor à Cæsare constitutus?

1. R. Espondet primo Wagn. pag. 495. id spectare ad Executores illos, dum ait: stando in tex-
tu induiti, nisi aliud habeat consuetudo, cæsareas literas à Precista primùm offerendas fore Executoribus à sua Majestate deputatis, qui nullo depre-
hensio substanciali vitio beneficia ipisis canonice conferant, & postea preces cæsares ordinariis Collatoribus, ad quos spectat, porriganter, à quibus Precista recipi debet, & in possessionem induci. Hujus suæ sententiæ hanc dat rationem; quod Papa in ipso induito velit, ut provisio canonica præce-
dat receptionem, hoc est, missionem in possessio-
nem, dum ait: postquam ipisis canonice provisum fuerit,
recipere & admittere teneantur: hanc vero receptionem solam Ordinariis injunxit; cum in toto indu-
to nullibi dederit potestamen conferendi iisdem Ordinariis seu Collatoribus.

2. Respondet secundò contrarium, & forte probabilius Engels ad tit. de præb. n. 71. eo quod ex

binis earum precum formis, Rudolphi nimirum & Ferdinandi Cæsarum, quas in proam. pag. 4. & recitat Chok. ubi preces fuerint expressè ad ordinarios directæ Collatores, itaque ab Imperatori-
bus pro collatione & provisione Præcista facien-
da requisiti; adeoque vel ex hac practica obser-
vantia sufficienter colligatur sensus verborum il-
lorum induit: nec non personas ipsas ad hujusmodi be-
neficia, postquam ipisis de illis canonice provisum fuerit,
recipere & admittere debeant, & teneantur, esse hic:
postquam per Ordinarios, ad quos preces per Ca-
sarem diriguntur, examinatis qualitatibus præ-
cista & ceteris, quæ canonica institutio requirit, pro-
visum illis fuerit, vel his recusatibus, aut forsitan
circa beneficia reservata, quæ ad eorum collationem non spectant, per Executores cæsares, juxta
earundem precum tenorem (juxta quem sane non
est, si dum Imperator in literis exprestè & directè
requirit Ordinarii collationem in beneficio ad il-
lum spectante, præcista, eo neglecto, hanc collationem
petat ab Executore) recipere debeant, facil-
cer ad actualem possessionem iisdem ordinarii Col-
latores, vel ad quos ea in possessionem missio per-
tinere solet. Sed neque, ut addit Engels, videretur
fuisse Papæ intentio, Ordinarii adimere suum jus
conferendi, ei que præferre extraneos Executores,
quod utique non tardò discordias & confusiones
moveret. Eandem cum Engels sententiam tenet
Pirk. nu. 375. inquiens: quia ordinarii Collatores
non facile parebant huic induito primariarū pre-
cum, Papam constituisse delegatos suos pro execu-
tione nominationis cæsarea, ut compellant Ordinarios ad conferendum: quamvis n. 384. exprestè
teneat contrarium, dum inquit: Executores de-
putati à Cæsare debent iis, qui ab illo nominari
sunt ad beneficia, conferre & assignare beneficia,
& postquam illis canonice provisum est, Collatores eosdem recipere & admittere debent; adeoque
collatio semper fit (hoc est demandatur facien-
da) Executoribus, collatoribus vero nudum recep-
tionis seu installationis ministerium. Idem cum
Engels tenet Chok. pag. 26. (quamvis obscurius
loquatur, & velit receptionem, & admissionem
hauc, de qua in induito, esse receptionem collativam
juris in beneficio, sive accipi pro ipsa institutione,
seu collatione; adeoque Precistas non egere ulterius
alicujus operâ vel gratiâ, nisi ad actum possessionis
corporalis, in qua tantum constituit executio facta)
dum ait: mentem Pontificis esse, ut ipsi Ordinarii
precistis provideant & beneficia conferant per col-
lationem, videlicet receptivam, vel receptionem
collativam.

Quæstio 614. Executores precum harum, a quo, & quales constituendi, & quæ eorum potestas?

1. R. Espondeo ad primum: Pontifex generatim hos Executores constituit, dum nimirum pro nominationis cæsarea executione delegatos suos constituit, seu haberi vult, quos Cæsar Executores deputavit. Wagn. pag. 492. Pirk. n. 375. Imperator vero auctoritate pontificiæ seu concessâ sibi Pontifice in specie hos Executores constituit, de-
nominando certas aliquas personas Ecclesiasticas. Potestque proinde Cæsar, Executore à se denominato mortuo, antequam preces seu denominatio fortita effectum, deputare & substituere alium & alium, donec preces plenè fortita effectum. Pirk.
& Wagn. l. cit. Aitque Pirk. aliud dicendum, si
Exe-

Executores non à Cæsare ex concessione Papæ, sed ab ipso met Papâ in particulari deputati essent; rum enim, iis mortuis, recurrentum ad Papam, à quo tum nulli alii potestas deputandi Executores concessa foret. Quod si tamen sub nomine dignitatis alicui demandata Executio, tunc, quia dignitas non moritur, c. gratiosè de rescrip. in 6. is, qui ad eandem dignitatem subrogabitur, exequi posset, juxta c. quoniam de officio delegati. Chok. pag. 55.

2. Respondeo ad secundum, hos Executores esse debere personas Ecclesiasticas in dignitate constitutas, vel personatum obtinentes, vel Canonicos Ecclesiarum Cathedralium; cùm his solis causa auctoritate literarum Sedis Apostolicae vel Legatorum ejusdem committi possint juxta c. statutum de rescrip. in 6. Chok. pag. 52. Pirh. & Wagn. loc. cit.

3. Respondeo ad tertium, posse imprimis hos Executores constitueri subexecutores, cum habeant jurisdictionem delegatam à Principe, videlicet Papâ; dummodo tamen isti subdelegati seu subexecutores habeant illas qualitates, quæ requiruntur in delegato vel Executore. Chok. pag. 55. Pirh. & Wagn. II. cit.

4. Dein possunt dicti Executores ex auctoritate pontificia contra quovis Collatores, Episcopos quoque & alios, ad quos preces directæ sunt, etiam per censuras Ecclesiasticas procedere, ut preces ad effectum redigantur. Engels loc. cit. num. 71. Pirh. num. 384, ubi ex Chok. pag. 78. addit, quod hi Executores sine justa causa contradicentes executioni precum possint excommunicare, & tunc eo ipso cadant jure, si quod in illo beneficio habeant. Idem habet pag. 83, citarque pro hoc Paris. de resign. q. 7. num. 169. Non tamen poterunt Executores hi excommunicare contradicentes de jure, dum allegando justam causam, non parent literis Executoris. Chok. cit. pag. 85. An vero pari modo per censuras possint procedere contra Exemptos, ad hoc non responder Chok. sed remittit ad fratrem suum Erasmus Chok. qui hanc questionem expresse tractavit in tract. de juris dict. Ordinar. in Exemptos. p. 4.

q. 64.

5. Denique non posse hos Executores, posito etiam, quod ipsi per se conferre possint Precictis beneficia, sive sint ad providendum, recipere resignationem alicuius volentis in eorum manibus resignare, ut recepta provideant, tradit Chok. pag. 83. ex Paris. de resig. l. 7. q. 22. cò quod necesse sit, ut expressè committatur' receptio resignationis, juxta C. dudum de præb. in 6. & Coras. de benef. p. 1. c. 8. num. 17. quem citat Chok.

Quæstio 615. Num Executores harum precum (idem ferè est de ipsis Collatoribus) possint exequi, seu nominatis conferre post obsum Imperatoris, re adhuc integrâ, hoc est, nulla adhuc factâ acceptatione Precicta ad beneficium vacans, dum in vivis adhuc esset Imperator?

R Espondet primò Chok. pag. 53. negativè, R diciturque esse aliud querere, an gratia re integrâ exspiret morte pontificis; aliud, an preces ha exspirent morte Imperatoris, quod posterius affirmat, & plura pro hoc assert. Primo quod privilegium personale (quale est illud precum) sequatur personam, & cum ea extinguitur, juxta C. privilegium de reg. juris. in 6. non enim queritur, an illud

privilegium concessum Cæsari exspiret morte Cæsar, & non transeat ad successorem in Imperio; quod idem est cum illo: privilegia contra jus commune, quale est illud precum, non extendunt se de persona in personam, etiam ex identitate rationis &c. Efficacius est illud, quod mandatum factum per Legatum de providingo certæ persona de beneficio tunc vacante, moriente legato ante mandati Executionem ipso jure exspiret, juxta c. presenti. de off. leg. in 6. & c. si cui nulla de præb. in 6. ergo multò magis exspiravit gratia precum à Cæsare concessa, re adhuc integrâ, seu nullo adhuc beneficio vacante, vel etiam nequidem adhuc insinuatione ullâ factâ Executori vel Collatori. Sic docere ait Gigas de pens. q. 9. num. 4. Mandos ad reg. 10. Cancell. q. 2. n. 4.

2. Responder tamen secundò idem Chok. pag. 55. has in contrarium adducendo rationes. Primo quod commissio data Cæsari non reguletur ad instar mandati, quod re integrâ exspirat morte mandantis, sed ad instar gratia seu privilegii persona Cæsaris facti, quod perpetuò durat, & non exspirat morte concedentis, ut videtur est apud Burlat. cons. 29. num. 5. Verum ipsa preces concessæ à Cæsare Precicta videntur se habere, & consequenter regulari, per modum mandati; cùm iis mandetur Executoribus & Collatoribus, ut ipsi provideant de vacatu. Secundò, quæ ratio est melior, & facit hanc secundam partem probabiliorem: per nominationem Cæsaris, seu per concessionem precum factam Precicta res desit esse intregra, quia aliquid cæptum fuit, licet nequidem consummatum. Item Precicta per acceptationem hujus gratia precum facit, ut res non sit amplius intregra, ut Paris. cons. 145. num. 14. vol. 1. Old. cons. 229. Mohed. decisi. 354. apud Chok. qui addit, huic dispositioni juris videri suffragari observantiam: & in dubio gratia Principis censeri debet perpetua, juxta Burlat. cons. 30. num. 4. adeoque licet privilegium hoc Cæsari à Papâ datum exspiret cum Cæsare, non tamen privilegium à Cæsare datum Precicta exspirat cum Cæsare.

q. 65.

Quæstio 616. Quando nam, sive intra quod tempus bi Executores debeant exequi gratiam illam precum?

1. R Espondeo primò: Executor, etiam datus ad providendum de beneficio, quod impetrans duxerit acceptandum, non potest illud ei conferre (vel etiam dum Executor non est ad providendum, facere conferri) priusquam ille acceptavit, seu declaravit, se illud petere. Chok. pag. 52.

2. Respondeo secundò: debent provide aut facere provideri Precictis infra mensem, postquam ipsi vacatio hujusmodi beneficiorum immotuit, & illi ea acceptarint, seu duxerint acceptanda, conferente Executor beneficium (intellige dum est ad providendum) etiam illo, ad quem alias spectat collatio, non vocato aut monito; cùm is tunc sit meritus Executor. Chok. ibid.

Quæstio 617. An Imperator hoc sum pri-
vilegium seu indulatum precum cedere etiam
possit alteri, ita ut non solum nominati à Cæ-
sare, sed etiam nominati ab iis, quibus Cæsar
hoc jus nominandi concessit, frui possint gra-
tia precum?

Respon-

Respondeo affirmative; cum, ut Felin. in *re-*
pertor. v. denominatus de mandato. nominatus de
mandato alterius censeatur nominatus à mandante.
Chok. pag. 21. testans sic illud cessum à Ferdinando
Cæsare Electori Colonensi, ita ut nominati ab hoc
Electore censeantur nominati à Cæsare.

Questio 618. An Cæsar, postquam uni con-
cessit preces, seu unum nominavit, possit à
prima nominatione resilire, & nominare al-
lium; vel etiā absq; eo, quod resiliat à primo,
alium illi substituere, puta, dum Precista est
mortuus, vel renunciavit gratia?

Respondeo primò non posse sine omni causâ;
quia, licet princeps possit sine omni causa su-
um privilegium revocare, ut Felin. in c. qua in Ec-
clesiarum. de constitut. num. 55. dum tamen alicui be-
ne merito donat vel concedit (ut Cæsar facit Pre-
cista) non debet facultas hujusmodi, seu donatio
ausserri iterum ab eo sine causa, juxta L. Aquil. & L.
si pater. ff. de donat. & Baldum. in L. qua ex relationis-
bus. c. de LL. & alios apud Chok. pag. 32. qui tamen
id intelligit, si jus aliquod quantum precista, uti
id factum videtur, dum is preces illas acceptavit;
eo ipso enim jus acquisivit petendi primum vaca-
turum: secus si nomen tantum in rotulo relatum,
de quo paulo post.

2. Respondeo secundò, eum posse variare
exemplo Legati de latere, qui postquam reser-
vit sibi beneficium pro certa persona, potest id re-
vocare, & alteri conferre; tum quia per hujusmodi
nominationem non acquirit jus in beneficio, sed
solum jus implorandi officium Executoris, ut sibi
provideat, vel providere faciat: tum quia ex spe-
ctativa omnes sunt odiofæ, adeoque res censetur
manere integra, dum quis nominatus est ad bene-
ficium vacaturum. Unde etiam talis nominatio-
nem non habet presentationis facta ad beneficium
vacans, utpote quæ revocari nequit; cum non re-
linquat rem amplius integrum. Chok. pag. 22. &
ex eo Pirk. num. 372. wagn. pag. 491. Videnturque
haec procedere etiam, ubi nomen Precista jam re-
latum est in albo seu rotulo Cæsareo, unde sic inscrip-
ti & nominati dicuntur expectantes; quia ex eo
non acquiritur jus in re, nec ad rem; cum sit tan-
tum nuda annotatio ad principis memoriam. Chok.
pag. 23. Sed quid si nominatus jam curasset desu-
per solenni ritu literas Cæsareae expedire? videtur
adhuc idem esse; cum per hoc plus juris non acqui-
siverit: sed neque scriptura sit de essentia, sub-
stantia, & valore gratia. ut Abb. in c. nos. de elect.
Archid. & Jo. And. in proem. Sexti Decretal. Etsi
necessaria sit ad illius probationem; & quæ in pra-
sentia principis disponuntur, æquè servanda sint,
sive non sint. c. institutionis. 25. q. 2. Unde jam etiā
censet Chok. pag. 22. quod si quis Cæsar hodie
nominet unum, & cras secundum, & hic secundus
curset ritu solenni desuper expediri literas Cæsareae,
hunc secundum non esse præferendum primo.

3. Respondeo ad secundum: si preces alicui
concessa non sint sortita effectum ob mortem Pre-
cista, vel quia Precista non admittit gratiam seu no-
minationem sibi factam: vel nominatus expressè vel
tacite (puta, quando ob negligentiā inducitur præ-
sumpta renunciatio, v.g. si intra mensē non acce-
pet, ut hic statuitur, de quo postea; quando enim
quis tenetur ad factū limitato tempore, si non facit,
probatur negligētia, & ex eā tacita juris renunciatio)

renunciat nominationi aut precibus, potest Cæsar
nominare alium & alium, donec preces illa fortuna
sint effectum. Pirk. nu. 373. wagn. pag. 491. Chok.
pag. 24 & 26. qui etiam pag. 25. ait, idem posse Ca-
sarem, nimirum surrogare alium, dum beneficium,
ad quod Precista nominatus est, eique exinde colla-
tum, fiat litigiosum, & pendente lite Precista mori-
riatur, aut cedat juri suo; quemadmodum, dum E-
lectus lite pendente moritur, aut cedit, vel electioni
non consentit, electio revertitur ad Eligentes. Nec
obstat, quod sic jura statuant de Electoribus vel
Collatoribus Ecclesiasticis; quia idem servandum
in Cæsare; cum & ille jus suum metiat à Papâ,
à cuius indulto fit, ut beneficium, ad quod nomi-
navit, maneat affectum Cæsari, usque dum nomi-
natione plenum suum ac pacificum sit sortita effec-
tum: & sanè alias vix unquam Precista esset paci-
ficus possessor, cùm ordinarii Collatores, utpote
summe odio prosequentes Precistas, semper facen-
tent eis molestias, hoc non facturi, dum vident,
quod si lite pendente moriatur Precista, collatio
precum ad Cæsarem revertatur, si que surrogare
possit alium.

Questio 619. Quid, si Cæsar pluribus si-
mul conferat preces ad eundem Collatorem,
sive idem beneficium, quis præferendus?

Respondeo primò, dum ex scriptura seu di-
plomatibus de eadem data, vel etiam aliunde
constat, quis eorum prius in album Precistarum
sit relatus, hic præferendus erit, cum qui prior est in
scriptura, etiam prior sit in tempore, juxta leg. quo-
ties. c. de usif. Chok. pag. 23.

2. Respondeo secundò: qui prius Executor
præsentavit diploma precum, præfertur alteri, cui
de eadem data facta est collatio precum. Chok.
pag. 24.

3. Respondeo tertio, præferendum illum, in
cujus diplomate inserta est clausula mortis proprii,
vel clausula: eriam alteri contulerimus: ea enim
denotat gratiam alterius esse posteriorem.

4. Respondeo quartò: dum unus à Cæsare est
denominatus, alter ab eo, cui Cæsar hac in re par-
tes suas commisit, nec constat de prioritate temporis,
præfertur, qui à Cæsare nominatus. Chok. ibid.
De cetero notanda hic, quæ dicta sunt supra de Pa-
pa concurrente cum Ordinario.

5. Denique, si Cæsar uno eodemque verbo pri-
marias nominationes seu preces conferat duabus
pro eadem Ecclesiâ, neutra collatio valet; cùm de-
ficiat pœnas, & consequenter etiam voluntas.
Chok. ibid.

Questio 620. An, & qualiter Cæsar simul,
vel etiam successivè nominare possit unum
eundemque ad plura beneficia?

Respondeo primò: posse Imperatorem alli-
quem nominare simul, hoc est, in continentu
uno eodemque contextu, nullo interposito tempori-
us intervallo, etsi unum fiat post alterum, ad plura
beneficia in diversis Ecclesiis contenta, v.g. ad Ca-
nonicatum in Ecclesia, Monasteriensi, Hildeiensi,
Paderanâ: quin & ad diversa, eaque incompati-
bilia, & in eadem Ecclesiâ dum spectant ad diver-
sus Collatores, v.g. ad Decanum, vel Prælatum ali-
um ejusdem Capituli. Et tot in eadem Ecclesiâ
Collatores gravari possunt, quot in eadem reperi-
untur, modò tamen singuli, qui gravantur, saltem

4. ben-

4. beneficia conferre habeant. Chok. pag. 48. atqui in hoc casu tot censebuntur nominationes, quot beneficia, licet uno diplomate comprehensa. Chok. ibid. &c ex eo Wagn.

2. Respondeo secundum: posse quoque Casarem idem facere, hoc est, distinctis & interruptis ex intervallo temporibus, quo casu qualiter denominatio distinctum diploma requirit. Auctores iidem. Verum tamen in his omnibus casibus, five nominationes facta simul, five successivè, acceptatione unius beneficii, v. g. Canonicatus in Ecclesia Monasteriensi, ceteræ omnes nominationes consumuntur, five extinguuntur. Auctores iidem juxta tenorem ipsius Indulti; neque enim ideo plures nominationes eidem persona conceduntur, ut plura illi concedantur beneficia, sed ut citius & certius pluribus Ecclesiis assignatis eveniat aliquis beneficii vacatio, & consequenter obtentio. Pirk. n. 370.

3. Potest nihilominus Casar post extinctionem harum priorum precum, alias de novo concedere preces eidem ad easdem Ecclesiæ, eosdemque Collatores, illâ & illo excepto Collatore, à quo jam obtinuit beneficium vigore priorum precum; cum idem Collator, precibus effectum fortis, gravari denuò nequeat; possit autem gravari denuò, apud quem effectum nunquam adhuc habuerunt. Pirk. loc. cit. Chok. pag. 49. Et qualiter proinde denuò gravari non poterit Collator Ordinarius, ad quem in specie directæ preces, vi quarum precista quoque acceptavit beneficium ad ejus collationem spectans, dum is dein renunciavit huic à se factæ acceptationi, è quod jam hoc ipso nominatione facta à Casare habuerit effectum suum (si non ultimatum, qui est ipsa collatio) nimurum acceptationem, ita ut nihil ex parte collatoris defuerit, quò minus Precista obtineret beneficium. Chok. pag. 107. juxta decif. Rota 22. in antiqu. & Felin. in c. innovamus, de treugis notab. apud eundem. Neque per hoc juris communis dispositioni ratione pluralitatis beneficiorum creabitur præjudicium; cum per affectionem secundi beneficii vacer prius habitum. Wagn. pag. 491. Pirk. cit. n. 370. Chok. pag. 49.

4. Porro observandum hic, quæ est postrema in indulto precum limitatio, quod Canonicatus & præbenda, dignitas five personatus, administratio five officium in una Ecclesia habeant pro uno beneficio, ac proinde non posse Casarem unam personam nominare in eadem Ecclesia pro Canonicatu, alteram pro præbenda, aliam pro dignitate, officio aut administratione annexa (tametsi alias vigore mandati Apostolici provideri alicui possit de Canonicatu in præsente, de præbenda vero in futurum, vel contra) idque statutum, ne Ecclesiæ nimium graventur. Auctores iidem.

Quæstio 621. Intra quod tempus teneatur, & possit Precista acceptare beneficium, & quid, si id negligat?

1. Respondeo ad primum, teneri Precistam intra mensum, postquam vacatio beneficii, ad quod etiam in genere nominatus fuit, ipsi innotuit (ita ut probabiliter hic mensis incipiat currere à die vacationis notoria in loco vel Ecclesia beneficii, nisi forte Precista alleget & prober absentiam, vel aliam justam causam ignorantia. Chok. pag. 66. & ex eo Wagn. pag. 493. & Pirk. num. 378.)

P. Leurenz. Fori Benef. Tom. II.

beneficium vacans (intellige non tantum per obitum, ut Pirk. n. 377. sed & per resignationem libere factam in manibus Ordinarii) acceptare, hoc est, declarare per se (vel per alium, etiam laicum, nempe procuratorem, habentem ad hoc speciale mandatum, juxta Covar. l. 3. var. ref. c. 16). Auctores iidem: non tamen per substitutum ab hoc procuratore, nisi is haberet potestatem substituendi. Chok.) quod vigore precum Imperatoriæ petat hoc beneficium, idque quia diuturna vacatio dispendiosa est Ecclesiæ, Pirk. Wagn. loc. cit. Chok. loc. cit. ubi etiam, quod, si dum invalida fuisset acceptatio, utpote facta per invalidum substitutum, aut non habentem speciale mandatum ad hoc, sufficiat ratificatio Precista facta intra terminum ad acceptandum. Unde jam etiam tenetur ante elapsum mensem reascriptum precum insinuare ordinario Collatori, cui alias ligata non essent manus, possetque vacante beneficio illud conferre alteri. Auctores iidem. Chok. pag. 73. citans Germon. de indulto Card. Et si Episcopus collator essey; eo absente, insinuatio fieri potest ejus Vicario (ita etiam, ut, si postea Ordinarius conferat alteri, non valeat collatio, et si dicat, se ignorasse insinuationem factam Vicario suo. Chok. ibid. citans Rebuff. de nomin. q. 14. n. 60. & Rotam) Auctores iidem. Quin & Vicario, etiamsi non esset in Diœcesi; cum, quæ sunt voluntaria jurisdictionis, possint exerciri extra territorium. Chok. ibid. Et, si Collator essey Capitulum, deberet fieri insinuatio in Capitulo, Canonici capitulariter congregatis; cum singuli Canonici seorsim Capitulum non representent. Auctores iidem.

2. Porro tempus illud mensis non currere minori vel legitime impedito (modo impedimentum non sit affectatum) durante minore atque vel impedimento, probabile censem Chok. pag. 72. & ex eo Pirk. & Wagn. Et licet alias minor in spirituibus habeatur pro maiore, juxta c. exparte. de rest. sponiar. & cap. ult. de Judic. in 6. censeturque sibi juris, sicut filius familias quod ad peculium castrense, quia id tamem locum habet tantum in meritis spiritualibus, ut sunt ingressus in religionem, votum, matrimonium, non vero in iis, quæ spiritualibus tantum annexa, ut beneficialia, in his contra minorem non currit tempus prescriptionis, aut certè conceditur ei restitutio in integrum, juxta Covar. l. 1. var. c. 4. n. 2. Chok. pag. 72. Pirk. n. 381. Wagn. pag. 494.

3. Respondeo ad secundum, nihilominus re adhuc integrâ, id est, adhuc vacante beneficio, probabile est, Precistam post mensum elapsum, etiam dum sciens vacare, ex negligencia non acceptavit, ut expressè Pirk. n. 378. Chok. pag. 45. posse accipere illud beneficium, idque proper clausulam extraordinariam adjectam in ipso indulto precum §. fin. ubi dicitur, quod non oblitus Precista, quæ aliquo per constitutiones Apostolicas requiruntur de insinuacione & publicatione gratiarum expectativarum, & diligentis desuper faciendis in favorem ordinariorum Collatorum; dum alias, si tales clausula derogatoria non essent, Precista excederet suis precibus, qui intra mensum per se, vel per alium beneficium non acceptaret; quia non acceptando intra tempus præscriptum, non observaret formam literarum Apostolicarum, & per consequens actus esset nullus, & secundus imperans præferretur primo, Engels, Pirk. Wagn. ex Chok. pag. 67. ubi etiam, quod impenitenti in-

cumbat onus probandi acceptationem in tempore factam; quia ubi certum & limitatum tempus, vel alia qualitas est fundamentum intentionis, sive Actoris, sive Rei, oportet, quod illud tempus & illa qualitas probetur per eum, qui se in illa fundat.

4. Porro posse nihilominus eidem Precista, qui ob negligentiam excidit prebus, pro eodem beneficio conferri denuo preces, non secus ac alteri, donec sortiantur effectum, tradit Wagn. pag. 493. & sic non hoc ipso, quod Precista neglexit preces intra mensa insinuare Collatori, hic non erit imposterum liber, ita ut nullis amplius precibus gravari possit.

5. Respondeo tertio: quod, si Precista neglexit acceptare beneficium primum vacans, poterit adhuc petere secundum vacans (idque, sive primum vacans jam collatum fuerit, sive non) quia Papa in indulto relinquit in arbitrio Precista, acceptare beneficium vacans, quodcumque & quocunque maluerit, aut duxerit acceptandum; adeoque poterit acceptare primum vacans, si velit; vel si non velit, potest exspectare secundum, illudque exspectare, & si nec illud velit, potest exspectare tertium, & sic de ceteris. Chok. pag. 68. & ex eo Wagn. Pirk. Sed neque hic obstat c. si Clericus. de prab. in 6. ubi mandatum, ut allicui de beneficio proximo vacatuero provideatur, intelligitur de primo, quo neglecto censetur extincta gratia; cum hic textus ex mente Gl. ibid. v. si Clericus. accipiens sit, & locum habeat, si mandatum sit restriatum ad beneficium primò vacaturum, quasi illud verbum proximo idem significet, quod primò, sicutque mandati Apostolici termini strictè observandi. Engels de prab. n. 71.

6. Respondeo quartò: quod, si tamen, postquam primum vacans acceptavit (accipiendo rā acceptavit, non pro acceptatione collationis sibi facta de primo vacante; indubitatum enim est, non posse eum tunc variare vi earundem precum; sed has extintas esse, & vim suam amississe; sed pro declaratione facta Collatori, se illud petere seu velle) dein ab illa acceptatione tacite vel expresse refusat, non potest beneficium aliud de novo vacans vi earundem precum acceptare. Chok. pag. 68. Pirk. n. 379. Wagn. loc. cit. qui tamen, ut recte advertit Engels, primitus male confundunt negligentiam petendi primum beneficium vacans cum hac variatione super acceptatione jam facta. Quin & non posse in hoc Collatorem illum gravari novis precibus, dictum est ante ex Chok. pag. 107. Limitanda tamen responso, ut non procedat primò, quando primus actus fuit invalidus; dispositio enim loquens de actu intelligi debet de primo actu valido, adeoque per acceptationem invalidam dispositio seu facultas acceptandi non extinguitur. Secundò quando acceptans non posset consequi beneficium illud, quod acceptavit. Tertiò, quando per errorem elegit seu acceptavit alteri jam debitum; vel beneficium simplex pro dignitate. Quartò, quando Precista in ista acceptatione sua protestatur, quod non intendat acceptare beneficium, nisi quatenus sibi de jure debetur, & in quantum pacifice potest obtinere illius possessio nem. Pirk. Wagn. ll. cit. Chok. pag. 71. & 69. Unde

7. Respondeo quintò: quod si Precista acceptavit, seu petuit sibi conferri beneficium, dicens vacare per obitum Petri, cum tamen vacet per obitum Pauli, nequit variare; valet siquidem ista acceptatio, modo constet de corpore beneficii, quia

demonstratio non vitiat actum, si de corpore, seire constet, juxta 1. demonstratio. ff. de condit. & de monst. Neque ab impetratio seu provisione beneficij (qua imprestitio taliter facta, nimurum, dum in supplicatione narratum beneficium vacare per obitum Petri, cum re ipsa vacet per obitum Pauli, non valet, etiam si cetero apponatur clausula: sive per obitum Petri, aut quovis alio modo vacet: quia expresso uno modo vacandi, non venit alias modus per obitum alterius persona, qua expressa fuit, juxta cap. statutum. de rescript. in 6.) argendum est ad acceptationem, de qua hic, qua non est nisi quodam voluntatis declaratio de acceptando beneficio, si conferatur, & solùm tendit ad executionem gratia. Auctores iidem ll. cit.

Questio 622. An Collatores preces has sibi insinuat as admittere, & nulli alteri, quam Precista, beneficium conferre teneantur & cogantur?

1. Respondeo ad primum affirmativè; sunt enim hæ preces armata, & præalent cuivis iuri conferendi, præsentandi, nominandi aliorum, & hinc rejici nequeunt, obstante nimurum mando Papæ. Wagn. pag. 490. cogendi enim per censuras ab Executoribus, si nolint. Unde, dum Collatores aliqui has preces non admittunt, etiam quod ad Ecclesiæ & Collegia, qua aliæ in rotulis seu registris precum Imperialium in Cancelleria Cœsarea comperiantur (ut inter ceteros de Ducibus Julia, Clivia, & Comitibus Flandria, qui diversas Ecclesiæ habent, in quibus ad ipsos solos Canoniciatuum & præbendarum collatio pertinet teste Cranzio in Ecclesiastica Saxonum Histor. memorat Chok. pag. 3.) ii. etiam Episcopi, quandoque se potissimum fundant in jure. laicali, eò quod ex bonis suis patrimonialibus, aur majorum suorum tales Ecclesiæ, seu Collegia fundata & dotata sint. Chok. ibidem.

2. Respondeo ad secundum, quod sequitur ex dictis; non posse Collatores alteri quam Precista debito tempore requirente beneficium conferre, utpote quod per preces has interpositas redditus affectum, ita ut si collator, etiam ignoranter, illud contulerit alteri, invalida sit collatio propter decretum irritans in indulto contentum, quod etiam ignorantes ligat, ne quoquo modo tali dispositioni contraveniri, & ubi contraventum, nihil actu censeatur. Chok. pag. 95. Engels ad tit. de prab. n. 71. adeoque Precista requirente, collationem à se facta collator corrigere debet, eique de novo valide conferre; cum melius sit corrigere se ipsum, quam corrigi. §. 1. authent. de nupt. Et non praestet impedimentum, quod de jure non sortitur effectum. Chok. pag. 72. Insinuat nihilominus idem Chok. pag. 62. contrarium, nimurum porestatem Ordinarii non esse ligatum, quod minus, antequam ei debite insinuatæ sunt preces, conferre possit beneficium, & valerer collatio, prout valer collatio Ordinarii facta, antequam ipsi mandatum de providendo aliqui à Papa concessum insinuetur, juxta Gloss. quam citat Chok. in c. fin. de prab. in 6. licet secus esset, si Papa re ipsa jam Canonicum aliquem creasset, & mandasset illi provideri de prima præbenda vacatura; tunc etiam ignorantis Ordinarii manus ligata forent. c. si postquam, de prab. in 6. quod in precibus non sit, sed tantum provisio in futurum mandatur, nullo jure de præsenti collato Precista.

ita Chok. Quod si Ordinario negligente aut recu-
sante Precista conferre , hic recurrit ad Vicarium
Ordinarii, qui ignarus collationis ab Ordinario fa-
cta alicui, idem beneficium conferat Precistæ , &
tertius quoque interim illud idem beneficium im-
petrat à Papa, præferendam à Vicario isto factam
collationem, si contulit, uti Executor Apostolicus
vigore precum, asserit Chok. pag. 72. ed quod licet
Vicarius non possit expedire ea , quæ sunt meræ
gratia; potest tamen expedire, quæ sunt Justitia &
necessitatis , & sic supplere moram Ordinarii.
Quod si collator latitat, aut aliás obstet, quod mi-
nus ei fiat insinuatio precum, perinde erit, ac si fa-
cta fuisset ; cum pro citato habetur, qui se occultat,
vel impedit, ne possit citari, juxta c. quoniam fre-
quenter. ut lice contestat. c. i. de foro competente. Chok.
pag. 78. Porro num mortuo ante collationem Im-
peratore Collatores adhuc conferre possint , &
consequenter teneantur, ad hoc, inquam, respon-
sum est supra.

forma pauperum, juxta c. si pauper. de prob. in 6. five
mandatis de providendo pauperibus Clericis non
habentibus beneficium; item literis de providen-
do personis illustribus aut graduatis, ita ut omnes
hujusmodi litera non obstante precibus Casareis,
si contingat, illas concedi super talibus beneficiis,
quod minus dicta preces sortiantur suum effectum.

3. Tertiò, regulis cancellariae quandoconuscuntur publicatis & publicandis, quibus expressè & specificatim derogari debet; quia per clausulam generalē derogatoriam: non obstantibus constitutionibus Apostolicis: non censetur derogatum nisi constitutionibus ordinariis, non extraordinariis, quales sunt Extravagantes & regulæ cancelli. atque ita etiam derogatum regulæ undecimæ, quæ est revocatoria exspectativarum, sive per quam Papa statim post assumptionem suam revocat omnes exspectativas, non loris in aliqua parte effectum: ita ut hac regulâ non obstante, preces fortiantur suum effectum, etiam post obitum Papæ, quæ eas Cæsar concessit Chok. pag. 87. Dubitas nihilominus Chok. ibid. num per istas generales clausulas in precibus contentas derogatum sit iis regulis Cancell. quæ ubique sunt in celebri apud omnes observantia; nimurum de annuali, trienniali, de publicandis, de surrogandis, de infirmis &c. quæ judiciales sunt; & ait Gomes. in q. 6. proæm. centere, dictas regulas notables ex stylo cancellariae non censerit sublatas, non factâ expressâ & in individuo mentione earum.

4. Quartio, statutis & consuetudinibus aliarum Ecclesiarum etiam juramento & confirmatione Papæ roboratis; quibus quoque expresse erat opus derogari; & speciatim etiam derogatur consuetudini optandi (cujus consuetudinis optandi necessaria erat expresse & specialis derogatio, ut Garc.
p.5.c.1.n.150.) Chok. pag. 90.

5. Quinto, literis quibuscumque Apostolicis non facientibus plenam & expressam de verbo ad verbum de eodem mentionem.
6. Sexto, ipsis Concordatis Germania eorum, que confirmationi, quatenus huic induito adversantur. Unde paret, dubium non esse, habere haec preces etiam locum in mensibus ordinariorum Collatorum.

Colatorum.
7. Septimi, quibusvis aliis privilegiis, indulxit
& literis Apostolicis, indulto huic quonodocunq;
adversantibus, etiam motu proprio Papa, & ex
certa scientia, ac de Apostolica potestate plenitu-
dine, etiam cum clausulis derogatoriis deroga-
toriis, & aliis insolitis concusis.

8. Ac denique decernitur, quidquid contra quā
cunque auctoritate attentatum fuerit, irritum &
inanē; ita fere Pirk. n. 386. & Wagn. pag. 495. plu-
ribus de his Chok. à pag. 86. qui etiam pag. 61. re-
fert. Papam in privilegio dato facultati artium Lo-
vaniensium velle, quōd hujs facultatis nominatione
præferantur precibus Imperialibus; quod si verum
expresē ergo per hoc Papa derogavit precibus
hiſce; male tamen ex hoc supposito infertur, pre-
ces non habere locum in mensibus Ordinariorum
cū in his locum non habeant dicta facultatis no-
minationes; cum tamen hæ præferantur nomina-
tionibus factis vi precum; nam, ut recte Chok.
pag. 62. in isto indulto nominandi concessio Lov-
nientibus, Papa expresē non vult eas locum habe-
re in mensibus Ordinariorum, cujus contrarium
statuit expresē in indulto precum; ergo ex eo

*Quænam in illo indulto pre-
cum concessio Imperatori à Papa contincan-
tur clausula derogatoria eorum, quæ eidem
indulso obstat possent?*

i. Respondeo hæ sequentes. Primo derogat Papa Constitutionibus Apostolicis de non intendendo gratiis exspectativis.

2. Secundo, literis exspectativis concessis in
P. Leuren, Fori Benef. Tom. II.

quod ubi concurrunt nominatio vi precum, & nominatio vi iustius induiti Lovaniensis, hac prava-
leat, adhuc non sequitur, istam uti hanc non habere
locum in mensibus Ordinariorum.

Questio 625. Num contra Casarem quoad
has preces detur praescriptio, ita ut, si hoc in-
dulto precum non naturatur, illud amittat?

REspondeo negativè; quia contra privile-
gium consistens in voluntate privilegiati
non currit praescriptio, si non fuerit usus privilegio,
dummodo tamen alii fuerint usi. Chok. pag. 21. ci-
tans Calderin. conf. 1. de rescript.

Questio 626. Num Papa idem, qui conces-
sit, vel etiam ejus Successor, preces revocare
possit?

REspondet Chok. pag. 88. cum hoc Indultum
concessum Cæsari ob ejus in Ecclesiam merita,
nequeatque Princeps in hoc casu bene merentia
auferre à Donatario, quod donavit, sine causa, vi-
deri Papam non posse has preces revocare; quod
utique intelligendum non de Papa utente plenitu-
dine potestatis sua; sed de eo, quod non deceat id
eum facere. Unde etiam à tempore, quo Cæsares
sunt in possessione precum istarum, visum non est,
per aliquem Pontificem iis uspiam derogatum,
Chok. ibid.

Questio 627. Qualiter Precista amittat
faciam sibi gratiam precum?

1. R primò: si Precista fiat inhabilis vel
irregularis, aut crimen commisit, quod priva-
tionem ipso jure inducit. Chok. pag. 30. ubi,
quod tamen iterato possit Cæsar tali concedere
preces; quod credo, intelligit, sublatu impedimen-
to inhabilitatis.

2. Secundò: si Precista renunciavit precibus
expresè vel tacite; potest enim quis privilegio in
suum favorem inducto renunciare. c. si diligenti. de
foro compet. & in hoc casu tam operatur tacitum
quam expressum. Chok. pag. 30. Censetur autem
tacite renunciare primò, dum contrahit matrimo-
nium, & in hoc casu Cæsar potest alium surrogare.
Chok. ibidem. quod si tamen matrimonium fuit in-
validum, Precista per hoc non excidit precibus,
juxta illud: non præstat impedimentum, quod de
jure non sortitur effectum, de reg. juris. in 6. Quin
& qui post impetratas preces ad primum vacatu-
rum duxit uxorem, & ea interim moritur ante pri-
mum vacans, posse adhuc vi dictarum precum pri-
mum illud vacans obtinere. pag. 30. ait Chok. ci-
tans Angel. Tertiò tacite censetur renunciare,
dum sit miles; cum qui arma militaria exercet,
perdat privilegium Clericorum; quia facit actum
contrarium Clericatu, juxta Innoc. in cap. in au-
dientia. de sent. Excom. imo perdit beneficium, si
quod habet juxta Par. de resign. l. 1. q. 1. n. 22.

Chok. loc. cit. Quartò dum emitit
religiosam professionem.

Chok. ibid.

**

PARAGRAPHVS XI.

De reservationibus ratione alia- rum Exspectativarum.

Questio 628. Quid sint exspectativa, &
quotuplicis generis?

1. R ad primum: Exspectativa (qua-
retiam dicuntur mandata de providendo, nisi
quod mandatum de providendo latius pateat, ut
pote extendens se etiam ad beneficia vacanta) sunt
literæ Apostolicæ, in quibus mandatur locorum
Ordinariis his vel illis Clericis providere de bene-
ficio proximè vacaturo. Azor. p. 2. l. 6. c. 32. q. 1.
Pirh. de prob. n. 234.

2. R ad secundum, novem gratiarum
harum exspectativarum enumerari à Staphil. apud
Azor. loc. cit. q. 4. nimis Primò, quibus Papa
concedit literas, quibus aliquem in Cathedrali vel
Collegiata creat Canonicum, certumque Execu-
torem constituit, qui ei primò vacaturam præben-
dam conferat. Secundò, quibus concedit, ut quis
in una Ecclesia habens Canonicum, jus habeat
ad alium primò vacaturum in eis Ecclesia. Ter-
tiò, quibus mandat, ut alicui habenti Canonica-
tum provideatur de alio simplici beneficio in ea-
dem vel alia Ecclesia. Quarto, quibus concedit, ut
regularis habeat jus ad obtinendum beneficium
aliquid seculari. Quintò, quibus conceditur, ut
certi Ordinis Religiosus habeat ad aliquod be-
neficium regulare alterius Ordinis obtinendum.
Reliqua similius gratiarum genera ibi enumera-
ta, non tam beneficia vacatura, quam retentionem
habitorum concernunt.

Questio 629. Quà occasione, & à quo
tempore introducta Exspectativa?

1. R ad primum: cum quidam olim E-
piscopi abuterent potestate conferendi
beneficia, praferendo indignos dignis, & vel maxi-
mè à se promotos ad Ordines repellenter à bene-
ficiis, Pontifices per diplomata sua locorum Ordinariis
principere cœperunt, ut Clericis idoneis, &
præstern illis, quos ad Ordines sine beneficio ullo
promovissent: quin & certo alicui à se nominato,
quem ob insignem virtutem integratatem aut singula-
rem literaturam, aut ob collatum aliquid in Eccle-
siam meritum hac ratione remunerari intendebant,
beneficium proximè vacaturum conferrent, Azor.
loc. cit. q. 1. & ex eo Pirh. loc. cit.

2. R ad secundum, Exspectativas &
mandata similia Apostolica verisimile est, in ufo
non fuisse ante annum 1150. eò quod in toto decreto
volumine, quod circa Annum illum à Gratiano Monacho editum, nulla de iis mentio repe-
riatur. Azor. loc. cit. ad initium c. 32. & eo Zip. l. 3.
juris pontif. ad tit. de concess. præbenda. Exspectativa-
rum initia aliqui referunt ad Alexand. III. Exspe-
ctativarū usum inveniunt circa tempora Innoc. III.,
qui anno 1198. Pontificatum initit, ait Lott. de re be-
nef. in apparatu. n. 14. idque patere ex decretali e-
ius Epistola relata in cap. proposuit. de concess. præb.
eumque usum invaluisse aeo, ut sub Innoc. IV.
qui fuit creatus Papa anno 1244. diversa Exspe-
ctativarum formula composita fuerint, ut Thom.
Campeg. tr. de reserv. benef. n. 10, ceterique dein
passim